

## **PRIJEDLOG**

Na osnovu člana 17. stav 2. i člana 72. Zakona o hrani („Službeni glasnik BiH“, broj 50/04) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na \_\_\_ sjednici održanoj \_\_\_\_\_ 2018. godine, donijelo je

### **PRAVILNIK O STAVLJANJU VAN SNAGE PRAVILNIKA O KOLIČINI BRAŠNA UTROŠENOG ZA PROIZVODNJU PEKARSKIH PROIZVODA**

#### **Član 1.**

Ovim pravilnikom stavlja se van snage Pravilnik o količini brašna utrošenog za proizvodnju pekarskih proizvoda („Službeni glasnik BiH“, broj 76/10),

#### **Član 2.**

Ovaj pravilnik stupa na snagu osmog dana od dana objavljivanja u „Službenom glasniku BiH“.

VM broj \_\_\_\_\_/18  
\_\_\_\_\_ 2018. godine  
S a r a j e v o

Predsjedavajući  
Vijeća ministara BiH  
**Denis Zvizdić**

**O B R A Z L O Ž E N J E**  
**ZA DONOŠENJE PRAVILNIKA O STAVLJANJU VAN SNAGE PRAVILNIKA O**  
**KOLIČINI BRAŠNA UTROŠENOG ZA PROIZVODNJU PEKARSKIH PROIZVODA**

**I. ZAKONSKI OSNOV**

Zakonski osnov za donošenje Pravilnika o stavljanju van snage Pravilnika o količini brašna utrošenog za proizvodnju pekarskih proizvoda, sadržan je u članu 17. stav 2. i članu 72. Zakona o hrani («Službeni glasnik BiH», broj 50/04), te članu 17. Zakona o Vijeću ministara Bosne i Hercegovine («Službeni glasnik BiH», br. 30/03, 42/03, 81/06, 76/07, 81/07, 94/07 i 24/08).

**II. RAZLOZI ZA DONOŠENJE PROPISA I OBJAŠNJENJE ODABRANE**  
**POLITIKE**

Agencija za sigurnost hrane Bosne i Hercegovine formirana je na osnovu Zakona o hrani. Odlukom o osnivanju Vijeća ministara Bosne i Hercegovine, kao samostalna upravna organizacija, autoritet za sigurnost hrane i hrane za životinje, primjenu međunarodnih konvencija i međunarodnih sporazuma iz područja sigurnosti i kvaliteta hrane obavezujućih za Bosnu i Hercegovinu.

Opredijeljenost Bosne i Hercegovine za približavanje Evropskoj uniji, kroz usklađivanje bosanskohercegovačkog zakonodavstva sa pravnim naslijeđem Evropske unije (*acquis communautaire*).

Na prijedlog Agencije za sigurnost hrane Bosne i Hercegovine, a u suradnji s nadležnim organima entiteta i Brčko Distrikta Bosne i Hercegovine, predlaže se Vijeću ministara Bosne i Hercegovine da stavi van snage Pravilnik o količini brašna utrošenog za proizvodnju pekarskih proizvoda („Službeni glasnik BiH“, broj 76/10), obzirom da je dostavljena Informacija Upravnog odbora Agencije za sigurnost hrane Bosne i Hercegovine u vezi potrebe izmjene Pravilnika o količini brašna utrošenog za proizvodnju pekarskih proizvoda a na osnovu sljedećih okolnosti:

- a. zaprimljeni upit od strane subjekta pod nazivom Emha Condor d.o.o. iz Gradačca dana 16.11.2017. godine u svezi nadležnosti ovjere knjige o evidenciji utroška brašna (KEUB) smatraju da je problematika nadležnosti ovjere knjige KEUB još uvijek aktualna u pojedinim kantonima Federacije Bosne i Hercegovine te u skladu s tim da je neophodno da se od strane Upravnog odbora Agencije za sigurnost hrane Bosne i Hercegovine dobije mišljenje,
- b. Sukladno gore naveg-din Nihad Spahić, pomoćnik gradonačelnika grada Zenice, obratio se Agenciji za sigurnost hrane BiH dana 04.01.2016. godine putem elektronske službene stranice Agencije i dostavio je akt pod Predmetom: Inicijativa za izmjenu Pravilnika o količini brašna utrošenog za proizvodnju pekarskih proizvoda. U navedenom dopisu je od strane Agencije, kao institucije koja je za Vijeće ministara Bosne i Hercegovine pripremila navedeni Pravilnik, zatražio da se član 6. stav (1) uskladi s novonastalim izmjenama proizašlim iz izmjene zakona o inspekcijskim poslovima Federacije Bosne i Hercegovine („Službene novine FBiH“, broj 73/14) kojim je stavljen van snage Zakon o tržišnoj inspekciji Federacije BiH („Službene novine FBiH“, broj 2/95). Dalje navodi da je kao posljedica stavljanja van snage Zakona o tržišnoj inspekciji Federacije BiH to da su općinski, gradski i kantonalni tržišni inspektori ostali bez stvarne nadležnosti. U skladu s navedenim, direktor Federalne uprave za inspekcijske poslove je ovlastio kantonalne tržišne inspektore da obavljaju poslove tržišnog inspektora, dok općinski i gradski tržišni

inspektori nemaju tu ovlast,

- c. Federalna uprava za inspekcijske poslove, Federacije Bosne i Hercegovine se obratila dana 23.12.2016. godine Agenciji za sigurnost hrane BiH dopisom s predmetom za prijedlogom izmjene Pravilnika o količini brašna utrošenog za proizvodnju pekarskih proizvoda („Službeni glasnik BiH“, broj 76/10) iz već gore navedenih razloga,
- d. dopis od Službe za inspekcijske poslove grada Tuzle s inicijativom za izmjenu zakonskog propisa. Razlozi izmjene su već navedeni u ovom dopisu, a to je da je u skladu s važećom zakonskog regulativom na nivou Federacije BiH stupanjem na snagu Zakona o inspekcijama Federacije Bosne i Hercegovine („Službene Novine FBiH“, broj 73/14), inspekcijski nadzor u oblasti trgovine je samo u nadležnosti Federalne tržišne inspekcije.

Iz svega navedenog evidentna je potreba za donošenje Pravilnika o stavljanju van snage Pravilnika o količini brašna utrošenog za proizvodnju pekarskih proizvoda.

Shodno naprijed navedenim inicijativama na XXI sjednici Upravnog odbora koja je održana 27.12.2017. godine razmatrana Informacija o potrebi izmjene i dopune Pravilnika o količini brašna utrošenog za proizvodnju pekarskih proizvoda.

Na XXII sjednici Upravnog odbora održanoj dana 31.01.2018. godine donešen je zaključak da Agencija za sigurnost hrane Bosne i Hercegovine pripremi Pravilnik o stavljanju van snage Pravilnika o količini brašna utrošenog za proizvodnju pekarskih proizvoda, te da se isti uputi nadležnim institucijama, u proceduru pribavljanja komentara od istih.

### **III. PRINCIPI NA KOJIMA JE ZASNOVAN PROPIS**

Odredbama Pravilnika o količini brašna utrošenog za proizvodnju pekarskih proizvoda propisuje se normativ utroška količine brašna za proizvodnju pekarskih proizvoda, količina utroška gotovih smjesa i koncentrata, evidencija pekarske proizvodnje, ovjeravanje knjige KEUB i obaveze proizvođača.

### **IV. USKLADENOST**

Pravilnik o stavljanju van snage Pravilnika o količini brašna utrošenog za proizvodnju pekarskih proizvoda je *nacionalni propis*.

### **V. PROVEDBENI MEHANIZMI I NAČIN OSIGURAVANJA**

Službena kontrola i inspekcijski nadzor će se provoditi na način kako je to propisano važećim zakonskim i podzakonskim propisima.

### **VI. FINANSIJSKA SREDSTVA**

Za primjenu odredbi ovog Pravilnika nije potrebno osigurati dodatna sredstva u proračunu Bosne i Hercegovine.

### **VII. OPIS KONSULTACIJA**

Suglasno odredbama Pravila za konsultacije u izradi pravnih propisa, ("Službeni glasnik BiH" broj 5/17), i odredbama Jedinostvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14, 05/17, 50/17 i 70/17):

- Obavješćavanje i objavljivanje Prijedloga propisa na internet stranici Agencije za sigurnost hrane BiH, u dijelu koji se odnosi na javne konsultacije;
- Direktno dostavljanje Prijedloga propisa na komentare i mišljenja nadležnim organima Bosne i Hercegovine, entiteta i Brčko distrikta Bosne i Hercegovine.

### **VIII. RASPORED EVENTUALNOG PONOVRNOG PREISPITIVANJA DONESENOG PROPISA**

U skladu sa nastalim izmjenama i dopunama legislative EU sa kojom je vršeno usklađivanje, te na osnovu stečenih iskustava kroz primjenu propisa i skladu sa nastalim potrebama.

### **IX. EKONOMSKI, SOCIJALNI I OKOLIŠNI UTICAJ PROPISA**

Smanjenje administrativnog opterećenja za subjekte u poslovanju sa hranom. Ravnopravan tretman i povećanje konkurentnosti domaćih proizvođača na tržištu kroz omogućavanje poslovanja u skladu sa propisima usklađenim sa propisima EU i međunarodnim standardima.